

# ne:o – illoj (aaahh.004)

Džeń wudaća: 12.03.2009

Je nalěćo, a chcemy nowu skupinu pola nas witać. Hačrunjež – tak nowa scyła njeje. Z lěta 2003 hižo spytaja ne:o, pječ młodzi mužojo z Drježdźan, hranicy mjez electro a elektriskimi gitarami přeprěčić. Po EP ne:omuzic a albumje musikkritik je nětko pola aaahhrecords wušoł druhi album illoj. Kaž přeco to najlěpše na tym: Móžeće sej hudźbu a tohorunja artwork za CD zadarmo pola nas sćahnyć. Tohorunja pak dawa illoj jako rjany digipak za polcu doma.



Album je wušoł z tak mjenowanej creative commons-licensu. Tute zmóžnjeja wumělcam a lubowarjam wumělstwa wjele swobody, garantuja pak hudźbnikam tež tójšto swójskeje kontrole. Tuž směće album illoj tež kopěrować a daledawać, dołhož so to na njekomercielnych pućach stawa.

Ale wróćo k ne:o: Prošu njezaměnce jich z elektro-formaciju z Madźarskeje, kotraž so tohorunja Neo mjenuje – jenož bjez dwojodypka. Kotry woznam nětko wony dwojodypk pola ne:o z Drježdźan ma, to nochcychu nam hudźbnicy přeradzić. Fakt pak je, zo so mjeno wurjekuje, kaž to stari Grjekajo činjachu – nic po jendźelskim wašnju.

ne:o su zdobom skupina ze sćerpnosću a wolu k precisnemu džětu. Tři lěta su trjebali za nowy album. Hdyž sławni hudźbnicy, starojo, tak dołho trjebaja, potom zaleži to husto na tym, zo nimaja chwile za džěto w studiju. Snano, dokelž spytaja sej runje zaso w někajkich drohich klinikach drogi abo piće wotwučić. ne:o pak dyrbja připódla tež džětać, su cyle normalni ludžo. Znajmjeńsa tak normalni, kaž móžeš być, hdyž swóju CD illoj mjenuješ.

Ale kak hudźba nětko klinči? Móhli wšak wo postrocku rěčeć, wo jazzowych wliwach, wo někajkich subžanrach elektroniskeje hudźby. Njedosaha pak ani jedyn z tutych pospytow wopisowanja, ani njedosahaja wšitke hromadže, to rozjasnić, štož ne:o činja. Wotmołwa tči snano něhdže w illoj. Tuž naposkajće sej cyle jednorje hudźbu – snano potom rozumiće, što illoj je. Abo předstajće sej kadlu, kiž je jedneho dnja do muzeja šoł, hdžež steješe kompjuter, do kotrehož móžachu ludžo słowa zapodać. Wón je swoje porsty na tastaturu položil, a nasta słowo illoj. Słowo bě hnydom zaso přeč, ale je dale za nim pytał. Snano.

ne:o su: David Friedemann (bijadła, percussion, hłós), Gregor Gantert (bijadła, percussion), Sven Graupner (bas, gitara), Marco Sebastian Christ (tastowe instrumenty) a Milan Grojlich (gitara)